

Mr. Andin Bikker di PDR

Proyectonan di molina di biento lo bira menos factibel den futuro

ORANJESTAD- Recientemente Lider di Fraccion di Partido Democracia Real, Mr. Andin Bikker tabata di bishita na Hulanda na unda a tene diferente reunionnan y nan ta sumamente satisfecho di regresa Aruba cu cierto logronan tambe pa loke ta trata proyectonan di molinan di biento. Mr. Andin Bikker ta amplia.

PROYECTO MAAS-TRICHT

E prome encuentro di PDR tabata un bishita cerca expertonan y tambe mandatarionan riba e proyecto di Maastricht pa loke ta trata e parti di molina di biento. E proyecto aki na Hulanda, pa medio di un mocion di dia 24 di april 2012 a para e proyecto aki cu ta similar cu kier desaroya aki na Aruba na e area di Urirama. E reunionnan aki, segun Mr. Bikker tabata sumamente fructifero riba e tema aki. E informacionnan aki, segun concepto di PDR, no tabata existi of no tabata suficientemente cla ora ta trata e proyecto aki den reunion publico.

PROYECTO MOLINA DI BIENTO MENOS FACTIBEL

Mr. Andin Bikker ta splica cu den reunion cu diferente parlamentarionan di Eerste y Tweede Kamer a muestra henter parlamento riba e hecho cu aworaki a caba di descubri diferente reservanan di pos nobo di schaliegas manera ta yamanan na Hulanda. Esaki ta pone cu e prijs di gas lo bay baha substancialmente y esaki ta bay tin efecto riba otro fuelnan fosil. Segun mr. Bikker esey ta pone cu a bin full un otro dinamismo ta bisa cu basicamente cu parti di molina di biento ta bay bira menos factible pasobra cu netamente e fuel cu mester competi cun'e den e caso aki gas natural cu e prijs ta bai baha, esaki lo bay pone cu hopi proyecto di molina di biento ta bira menos factibel.

DESARROYADOR TA RESPONSABEL PA TUR CLAIM

E otro encuentro na Maastricht a muestra na mr. Bikker cu nan a tene e desaroyador responsabel pa tur e claimnan miyonario. Gemeente di Maastricht a premira for di habitantenan den cercania cu e desaroyadonan di e proyecto probablemente ta bay haya demandanan den Corte unda

nan lo duna habitantenan cerca di e proyecto rason a base cu nan casnan ta baha di balor entre 20 pa 40%. Gemeente a muestra bon cla si e desaroyadonan kier bin cu e proyecto di molina di biento, nan ta responsabel legalmente cu cualkier claim cu haya. Esaki a pone cu e desaroyado a hala atras y a pone esaki como un di e argumentonan pakico e proyecto no a sigui.

VADERPIET NO TA MESUN COS CU URIRAMA

Riba un otro punto mr. Andin Bikker a señala un otro aspecto cu ta bin mas y mas dilanti y esey WEB NV mes a confirma esaki siman pasa durante un entrevista cu a sali na cla cu gridnan cu ta depende grandemente di un porcentahe hopi halto di energia di molina di biento, cu nan ta bira hopi instabil.

Segun WEB NV. e molina

di biento na Vaderpiet no ta mesun cos debi cu esun di Urirama tin otro tipo di reto y netamente instabilidad di e grid ta un di e retonan. Segun mr. Bikker na Alemania por ehempel, nan tin nueve mil megawatt cu nan ta produci y ta depende di energia di biento. Esaki a trece un instabilidad cun'e cu a pone cu hopi di e gridnan interconecta di e paisnan rond di Alemania a cuminsa desconecta grid cier-

to ora for di Alemania pasobra nan ta sinti cu nan ta core risico di e factor di instabilidad. Esaki ta tres echo palpabel segun mr. Bikker cu a bin suficiente informacion dilanti y un di nan no ta conoci mes cu ta esun di schaliegas cu den e ultimo simannan aki e la sali dilanti y cu nan tin hopi speranza cu prijs di gas natural ta bay baha substancialmente a base di e descubrimiento nobo aki. □



Solucionnan Profesional



**Portfolio pa
Studiente y Stagiaire**



Portfolio Personal



Portfolio pa Negoshi

Pone bo enfoko unda e mester ta y nos lo atende tur bo necesidadnan financiero.

Na RBC Royal Bank™, nos ta compronde y aprecia bo necesidadnan bancario. Nos tin e experticio y e solucionnan financiero pa bo desaroyo Personal y Profesional.

Cu bo den mente, nos solucionnan profesional ta diseña pa percura pa bo necesidadnan financiero durante bo educacion como tambe personal of pa bo negoshi.



RBC Royal Bank

©/™ Trademark(s) of Royal Bank of Canada. Used under licence.